



Ma'rifat

МАЪРИФАТ • ХАЛҚ ЭЪЕЛИЛАРИ ГАЗЕТАСИ •

1931 йилдан чиқа бошлаган 2001 йил 21 июль, шанба Баҳоси сотувда эркин нархда № 57 (7356)



МАКТАБ ТАЪМИРИГА — 3 МИЛЛИОН СЎМ

Тошкент шаҳридаги 138-мактаб таъмирига Чилонзор тумани “Қозиробод” маҳалласида истиқомат қилувчи саховатпеша инсон Абдумажид ака Ёрмухаммедов ўз ҳисобидан 3 миллион сўм ажратди.

— Абдумажид аканинг кўмакларидан бутун жамоамиз ва маҳалла аҳли беҳад мамнун бўлаётир, — деди мактаб раҳбари Оҳиста Алимова. — Илм равнақини эл равнақи, деб билаётган бу инсоннинг саховатлари беиз кетмаслиги аниқ.

Saxovat

Дарҳақиқат, илм йўлига сарфланган бир сўм пул эртага ўзимизга миллионлаб даромад келтиришини А. Ёрмухаммедовдек илмпарвар кишилар яхши билишади. Ҳозир у маҳалла ободлиги борасида олиб борилаётган ишларга ҳам бош-қош бўлаётир.

— Ўтганларни хотирлаш ҳам илмни қадрлаш сингари савоб ишлар сирасига киради, — деди Абдумажид ака Ёрмухаммедов камтарлик билан. — Шу маънода “Қозиробод” масжиди ёнида “Ёдгорлик” мажмуини қураёلمиз. Маҳалладошларимиз унга қараб шу кунлар қадрига етиши, озод ва эркин ҳаётга шуқроналар келтириши, шубҳасиздир.

Хуллас, Абдумажид акадек сахий ва савобталаб кишиларга ҳамisha куллуқ қилгимиз келади.

Муяссар ОДИЛОВА

АЗАЛИЙ САЛОҲИЯТ ЭЪТИРОФИ

Иқтидорли ўқувчиларимиз Халқаро фан олимпиадаларида муваффақиятли иштирок этишиб, мамлакатимиз шаъни ва шарафини муносиб ҳимоя қилиб келмоқдалар. Шу ўринда айтиш жоизки, жорий йилнинг 1-14 июль кунлари АҚШнинг Вашингтон шаҳридаги Жорж Мейсон номидаги университетда ўтказилган ёш математикларнинг 42-Халқаро олимпиадасида мустақил юртимиздан 6 нафар иқтидорли ўқувчи қатнашди. 83 мамлакат вакиллари баҳс юритган мазкур беллашувда Бухоро вилояти Қоракўл туманидаги 1-ихтисослашган мактаб битирувчиси Умиджон Раҳмонов, шу мактабнинг яна бир битирувчиси Зулфиддин Камолов, Қашқадарё вилояти Китоб туманидаги 1-ихтисослашган мактаб битирувчиси Умиджон Ражабов

ва Қўқон шаҳридаги иқтисодга ихтисослашган лицей битирувчиси Нозимжон Комиловлар ғолиб чиқишиб, кумуш ва бронза медаллари совриндори бўлдилар. Шунингдек, мазкур олимпиадада Наманган Давлат университети қошидаги академик лицейнинг 11-синф ўқувчиси Отабек Саматов ва Ангрэн Давлат педагогика институти қошидаги академик лицейнинг 10-синф ўқувчиси Хамза Давлатовлар ҳам ўз иқтидорларини намойиш этишиб, Халқаро олимпиада сертификатини қўлга киритишди.

Куни кеча Ўзбекистон Республикаси Халқ таълими вазирлигида ғолиб ўқувчиларни қутлаш ва тақдирлаш маросими ўтказилди. Ўзбекистон Республикаси халқ таълими вазири

Рисбой Жўраев ғолибларни табриклаб, уларга вазирликнинг Фахрий ёрлиқлари ва қимматбаҳо совғаларини топширар экан, ғолиб ўқувчиларнинг улкан муваффақиятида фидойи устозлар хизмати бекиёслигини қайд этди. Айни пайтда устозлари ҳам “Ўзбекистон халқ таълими аълочиси” кўкрак нишони билан тақдирланганини маълум қилди.

Faxr

— Дунёнинг 83 та давлати вакиллари баҳслашган ёш математикларнинг Халқаро олимпиадасида Ўзбекистон ўқувчиларининг ғолиб чиқиши катта гап, улкан воқеа, — деди Р. Жўраев. — Эндилқда бу муваффақиятларни янада мустаҳкамлаб бориш зарур.

Маросимда иштирок этганлар ёшлар эришган ютуқлардан

гурурланган ҳолда вазирлик ташаббуси билан иқтидорли ўқувчилар учун ҳар йили ташкил этилаётган “Ёзги мактаб” имкониётлари, “Сиртқи телевизион олимпиада”нинг аҳамияти, келгусида ўтказиладиган Халқаро олимпиадаларга тайёргарлик кўришининг йўллари хусусида фикр юритдилар, таклифларини айтдилар.

Истеъдод оламни безар, деганларидек, ғолиб ўқувчилар йиғилганларнинг бутун диққат-эътиборида бўлди. Халқаро олимпиаданинг ўтказилиш жараёни хусусидаги саволларга олимпиада совриндорлари қуйидагича жавоб қайтаришди:

(Давоми 2-бетда)

Суратда: халқаро олимпиада ғолиблари.

Бурҳон РИЗОҚУЛОВ олган сурат.

Ўзбекистон
Республикаси
Ўқитувчиларининг
биринчи
конференцияси
ТАВСИЯЛАРИ

3—6-бетлар

Mehmonxona

Устозлари кўп
ижодкор

7-бет


КОМИССИЯ ЙИГИЛИШИ

Қишлоқ аҳолисини ичимлик суви ва табиий газ билан таъминлаш дастурини амалга ошириш бўйича республика комиссиясининг йиғилишида жойларда жорий йилнинг биринчи ярим йилида ушбу жараённинг бориши ҳамда келгусида қилиниши лозим бўлган вазифалар белгилаб олинди.

МУСТАҚИЛЛИК ВА ТАФАККУР

Мамлакатимиз истиқлолининг 10 йиллигига бағишлаб республика “Маъ-

СЎНГГИ УЧ КУН МУЖДАЛАРИ



навият ва маърифат кенгаши” томонидан ташкил этилган “Тафаккуримизни ўзгартирган ўн йил” деб номланган амалий анжуманда кишиларимизда, айниқса, ёшларимиз қалбидан лоқайдлик, масъулиятсизлик, фаолиятсизлик каби иллатларнинг акси ўлароқ фидойилик, юрт

манфаати йўлида хайрихолик, тадбиркорлик каби хислатлар мустаҳкам ўрин олаётганлиги алоҳида таъкидланди.

КЎХНА ТАРИХИМИЗ МУҲРИ

Сурхондарё вилоятининг Шеробод туманидаги Жарқўрғон ёдгорлик мажмуидан топилган муҳр бу заминда бундан 3,5-4 минг йил аввал ҳам давлатчилик бўлганлигидан гувоҳ беради. Шундайин муҳрлар Шарқда — Месопатамия, Оссурия подшоликлари ҳудудида ҳам топилган.

Ҳиммат
миннатсиз бўлса

11-бет

Инглиз тили
сабоқлари

12-бет

Нобель
мукофоти
соҳиблари

13-бет

**KITOBXON OILANING
SHOIR QIZI**



Dilafro'z Nurota tumanida o'tkazilgan "Eng kitobxon oila" ko'rik-tanlovi g'olibi bo'lgan xonadon qizi. U rasm chizadi, musiqaga mehri baland, she'r yozadi. Endi 11 yoshga to'lgan esa-da, bir qancha tanlovlarda g'olib chiqdi.

Endi g'uncha ochgan iste'dodning samimiy tuyg'ulari aks etgan mashqlarini e'tiboringizga havola etmoqdamiz.

YULDUZLAR

Osmonga boqsam,
Mitti yulduzlar.
Kelib qo'limga,
Qo'ndi yulduzlar.

Bir zum lol qoldim,
Ularga boqib,
"Holing qanday?"—deb,
So'rdi yulduzlar.

Yulduzjon, holim
Men bayon etsam.
Sen bilan birga,
Osmonga ketsam.

Koinot sirin,
Bilib qaytardim.
Zaminga mehr
Olib qaytardim.



**CHARXPALAKMI,
BU DUNYO**

Yosh bo'lsamda fikrlarim bir olam,
Hayot mag'zi yuragimdadir go'yo,
Lekin, ba'zi ishlarni ko'rganimda,
Yodga oldim: "Charxpalakmi, bu dunyo?"

Sertashvish, sershovqin kunlarga guvoh
Bo'lganligim men-chun, go'yo bir ro'yo.
Qayga shoshib, qayga borar odamlar,
Hayron qoldim: "Charxpalakmi, bu dunyo?"

Kimdir xafa, kimdir boylikni quvar,
Yaxshilar-chi, taratsam deydi ziyo.
Yaxshi-yomon bir bo'lgan bu zamonda,
O'yga toldim: "Charxpalakmi, bu dunyo?"

AYIQ VA TULKI

Ayiq bilan tulkivoy
Bir qarorga keldilar.
Har uchragan quyonni,
Nimta qilmoq bo'ldilar.

Maqsadin anglab ayiq,
Tulki uzra chang soldi.
Yovuzlar changalidan
Quyون qutulib qoldi.

Va nihoyat yo'liqdi,
Nogahonda bir quyon.
Qing'irlik qilib tulki,
Yemoqchi bo'ldi pinhon.



Dilafro'z **BAHRIDDINOVA**,
Nurota tumanidagi
1-ixtisoslashgan
maktab o'quvchisi




OZODLIK

Bir guruh bolajonlar
Bog'dan bulbul tutishdi.
Qafasda don, suv berib,
Sayrashini kutishdi.
Bulbul hecham sayramas,
Barcha bolalar hayron.
Bog' yonidan o'tardi
Haqberdi bobo shu on.
Sayramaslik sababin
Shunda undan so'rashdi.
Haqberdi bobo yonin

Barcha bola o'rashdi.
Dedilar: — Har bir inson
— Ozod hurlikni sevar.
Hatoki shu bulbul ham
Bo'lsam deydi erkparvar.
Shunda sho'xchan bolalar,
Bulbul sirin bilishdi.
Birgalikda kelishib,
Uni ozod qilishdi.

Zokir **BOLLIYEV**,
Shahrisabz shahar
al-Xorazmiy nomidagi
litsey-maktab o'quvchisi



Yozda ta'til boshlandi deguncha, qishloqqa — bobomlarnikiga yo'l olaman. Bobom tog'am bilan qishloqda turadilar. U yerda Abror, Jasur degan o'rtoqlarim bor. Bu safar ham terlab-pishib avtobusdan tushdim. Qishloq havosi naqadar toza. To'yib nafas oldim. Kelinayam mehribonlik bilan qarshi oldilar. Ayam, dadam, ukalarimni so'radilar. Bir ozdan so'ng bog' etagidan tog'am bilan bobom chiqib kelishdi.

Peshonamdan o'pib so'rashdilar. Uydagilarning salomini yetkazdim. So'rida choy ichib o'tiribmanu, bir savol meni qiynardi. Qishloq yonbag'ridagi tog'lar orasida "Qasos dara" deyilgan joy bor. Nega shunday nomlanishini bu safar bilmay ketmayman, deb niyat qildim.

— Bobojon, bir narsa so'rasam maylimi?
— So'ray qol, bo'tam.
— Hu, anavi tog'lar orasidagi "Qasos dara"ning

QASOS DARA

(Hikoya)

nega shu nom bilan aytilishini aytib bering.

- Uning tarixi uzoq, bo'tam.
- Ayta qoling, bobojon, — deb yalinaman.
- Xay mayli, eshit bo'lmasa.

Bir paytlar darada ayiqlar juda ko'p bo'lardi. Bilasan, ayiqlar beozor jonivor. Ular har yili yoz paytlari bolalarini ergashtirib tog' etagidagi buloqdan suv ichgani kelardi. Shu qishloqda Ergash cho'loq degan ovchi bo'lardi. O'zi ham juda badjahl, odamovi kishi edi. U ovchilik qilardi, qishloq kattalarining aytishicha, ana shu ayiqlardan biri uch bolasini ergashtirib tog' etagiga tushadi. Ergash cho'loq ulardan birini otib

o'ldiradi. Ona ayiq bo'kirganicha ikki bolasini ergashtirib ko'zdan yo'qoladi. Ancha vaqt o'tgach, qishloqda "Ergash cho'loq yo'qolibdi" degan gap tarqaldi. Uni qidirmagan yerlari qolmadi. Oxiri o'sha daradan topishadi. Ma'lum bo'lishicha, keyingi ovga borganda ona ayiq undan qasos olgan. Uni burda-burda qilib tashlagan, shu-shu u yerni "Qasos dara" deb atashadi.

— Bobojon, hayvonlarga ham ozor bermaslik kerak ekan-da?

— Ha, bo'tam, hayvonlar ham tabiatning bir bo'lagi, unga ozor bersak, u albatta, bizdan qasos oladi.

Men o'zimni qiynagan savolga javob topganimdan xursand edim.

Umidjon **ORZIQULOV**,
Yangiqo'rg'on tumanidagi 33-maktab
o'quvchisi

**KO'KLAM
SHE'RI**

Ko'klam she'ri maysalarning
giyoblarning o'zidir,
Qayga boqmay, nigoblarda
tiniq osmon ko'ringay.
Jilg'alarga quloq tutdim,
bahorning so'zidir,
Ufqlarda gulga to'lgan
go'zal bo'ston ko'ringay.
O'riklarning shoxlariga
qo'nayotir misralar,
Qushchalarning sayrog'ida

she'riyatning ovozi.
Tuyg'ulardan tug'ilgan she'r
tuyg'ular-laksalar,
Yuraklarda, yo'laklarda
bukun ko'klam navosi.
Ko'klam she'ri — yuragimda
unayotgan bir daraxt,
Ufqlarda gulga to'lgan
go'zal bo'ston ko'ringay.
Bu Vatanning bog'larida
yashamoqlik o'zi baxt,
Tonglarida ko'zim ochsam,
O'zbekiston ko'ringay.

Ashurali **BOYMUROD**,
O'zbekiston Yozuvchilar
uyushmasi a'zosi

KAPALAK

Musaffo, beg'ubor,
Rango-rang kapalak.
Oq qorday beozor,
Go'yoki kamalak.

Uchadi bog' aro,
Sevgani bulbul, gul.
Yaxshiga oshnoyu,
Yomonga do'stmas u.

Men uni izlayman,
Do'stlikni ko'zlayman.



QALDIRG'UCH

Inson menga birodar,
O'z uyidan berar joy.
Do'stlik qilsa kim agar,
Bo'lgay menga erkatoy.

Bulbullarga jo'r bo'lib,
Biyron-biyron sayrayman.
Ba'zan ko'zga yosh to'lib,
Osmon uzra yayrayman.

Dushman menga bir ilon,
Kaltakesak va chayon.

Zamira **ODINAYEVA**,
Jizzax shahridagi 15-maktabning
6-sinf o'quvchisi

